

Udaberriko lore

FELIS BELTRAN DE HEREDIA
ANDRA MARI 07 - 2 EZK
ARETXABALETA

Goitb
Goiena Telebista

Bailarako telebista

Astelehenetik aurrera

Goiena
Komunikazio Zerbitzuak

GoiTB sortuko da astelehenean

Hasieran Leintz aldean bakarrik

Datorren astelehenean, maiatzak 22, sortuko da Goiena Telebista. Hasieran, Leintz aldean bakarrik ikusiko da. Beraz, Arrasate, Aretxabaleta, Eskoriatza, Leintz-Gatzaga eta Aramaio-ko herritarrek, 35.000 bat lagunek, ikusi ahal izango dute. Ostera, Oñatin, Bergaran, Elgetan eta Antzuolan, oraingoz, ez dute ikusiko, baina helburua, udazkenerako GoiTB bailara osora zabaltzea da. Orduan, 65.000 lagunengana helduko da.

Domekan izango da Arrasate Telebistako azken emankizuna. Astelehenetik aurrera, ATB desagertu eta GoiTB jaioko da. Atxabalta Telebistak ere joan zen maiatzaren 5ean laga zion emititzeari. Hango langileak Arrasaten ibili dira egun hauetan ATBko taldearekin elkarlanean.

Goiena Telebistak orain arteko ATBko programazio bera izango du hemendik udara bitartean. Urrian, berriaz, parrila berria estreinatuko da, eta saio berriak abiatuko dira. Astelehenetik aurrera, hala ere, hainbat saioen edukiak egokitu egingo dira, aurrerantzean telebista ez baita Arrasaten bakarrik ikusiko. Zenbait saioen izena ere aldatu egingo da; esaterako, "Mondrasport" izan beharrean, "Goienasport" izango da. Joxe Arantzabal da Goiena Telebistako erredakzioburua. Berak dioskunez, "aldaketa nagusia da hemendik aurrera informazioaren subjektua aldatu egingo dela; jada ez da Arrasate izango, bailara baizik. Horregatik, azkenaldian bagabiltza bailarako albisteak jorratzen, eta nahiz eta ATB izan, GoiTBri dagokion albistegia egiten hasiak gara Aste Santuko oporren ostetik. Dinamika horrekin lehenbailehen astea komeni zitzaigun eta horregatik hasi



ATBko emisioak eten eta GoiTB abiatuko da astelehenean Leintz adarrean.

gara sartzen bailara osoko berriak". Honen ondorioz, lan taldea osatu egin da herrietako berriemaldeenkin.

EMISIO ZENTRUA ETA ORDEZKARITZAK

Goiena Telebistako emisio zentru nagusia Arrasaten egongo da, gaur eguneko ATBren egoitzan. Horretaz gain, hiru ordezkari izango dira: Aretxabaletakoa, Oñatikoa eta Bergarakoa. Aretxabaletatik jasoko ditugu Eskoriatzako, Leintz-Gatzagako eta Aretxabaletako bertako berriak; Oñatiko ordezkarietatik Oñatin sortzen direnak emango dira, eta Bergaratik, Elgeta, Antzuola eta Bergarako berriak. Albistegi nagusia eta gainerako programa gehienak Arrasatek emitituko dira, baina lehen aldi honetan, Aretxabaletatik ere sartu-

ko dira zuzenean albistegian. Udazkeneratik aurrera, GoiTB bailara osora zabaltzen denean, Bergarako eta Oñatiko ordezkarietatik zuzenean sartzeko aukera ere izango da, baina oraingoz, Aretxabaletatik bakarrik.

■ **Aramaion UHFko 47. kanalean sintonizatu beharko da GoiTB. Beste herrietan ez da aldaketarik egin beharko**

Herrietako berriemakak

ARETXABALETA



■ AMAGOIA LASAGABASTER

23 urte. Atxabalta Telebistako aurpegia izan da hasieratik orain arte, eta hemendik aurrera berak emango ditu Aretxabaleta, Eskoriatza eta Leintz-Gatzagako eta Leintz-Gatzagako berriak GoiTBn. Pelikulak, dokumentalak eta telesaioak ditu gustuko.

ESKORIATZA



■ LOREA AGIRIANO

21 urte. Orain dela lau urtetik "Ze Barri?" Eskoriatzako herri aldizkarian lanean. Kirol saioak, "Bertatik bertara" eta "Caiga Quien Caiga" gustatzen zaizkio. Aurkezleen artean, Maddalena Iriarte, Andoni Aizpuru eta Julio Ibarra.

LEINTZ-GATZAGA



■ AINTZANE GARDOKI

32 urte, arrasatearra, Leintz-Gatzagan bizi da. Urtetan ETBn lanean ibilitakoa da, eta ATBn ere kolaboratzaile lanean jardundakoa. Gaur egun, "Guganda" saioa aurkezten du ATBn. TVEko bigarreneko gaueko informatiboa jarraitzen du.

ARAMAIO



■ ROSA MONDRAGON

33 urte egitear. "Tu Lankide" aldizkarian egiten du lan. Arrasate Press-en eta ATBn ibilia da -ATBko albistegieta-ko aurkezlea izan zen-. Aretxabaleta ere jardun zuen. ETBko albistegiak egunero ikusten ditu.

BERGARA



■ MONIKA BELASTEGI

28 urte. Prentsa idatzia landu du batik bat: Egunkarian, Argian eta Aretxabaleta ibilia da. Gaur egun, Berrigara dabil. ATBn ere asteburuetan aritu da. Telebistatik, informatiboak ditu gustuko eta aurkezleen artean Julio Ibarra eta Andoni Aizpuru.

UNITATE IBILTARI BERRIA

Goiena Telebistatik unitate ibiltaria estreinatuko du astelehenean. GoiTBko arduradun tekniko Ion Aldanondok esan digunez, hemendik lasterrera "bailarako edozein tokitako gertakariak edo ekitaldiak zuzenean eman ahal izango ditugu unitate ibiltariari esker: kirol emanaldiak, kultur ekitaldiak, herrietako festak e.a.". Dударik ez da, jauzi kualitatibo ikaragarria ekarriko du honek. Herrietako ordezkarietatik ez ezik, bailarako edozein bazterretatik ere zuzenean emititu ahal izango baita.

Unitate ibiltaria datorren astean estreinatuko da. Martitzenetik eguakoitzera bitartean, albistegi bereziak egingo dira herriz herri, eta unitate ibiltaria Aramaion, Aretxabaleta, Eskoriatza eta Leintz-Gatzagan izango da informatiboa bereziok grabatzeko.

ZELA IKUSI GOITB?

Ion Aldanondo jo eta ke lanean aritu da aste honetan herrien arteko loturak egingen. Oro har, esan daiteke, GoiTB ikusteko ez dela etxeetako telebista aparailuetatik aldaketarik egin behar, Aramaion izan ezik. Orain arte Arrasaten, Aretxabaleta eta Leintz-Gatzaga ia osoan ATB ikusten zen, eta, beraz, astelehenean aurrera normal ikusiko da herri horietan GoiTB ere. Ez da kanal

aldaketarik egin behar: lehen ATB ikusten zen kanal berean ikusiko da GoiTB. Eskoriatza, ohera, ez da ATB ikusten, baina astelehenean aurrera GoiTB ikusiko da. Han kable bidez lotuta daude etxeak, eta, hortaz, kable eta satelitez heltzen dira etxeetara telebista kateak. Aurrerantzean, beste kateekin batera GoiTB ere iritsiko zaie eskoriatzarrei. Telebista seinalea uhinen bitartez helduko da Arrasate Eskoriatzaraino, eta behin Eskoriatza, etxee-

tara kable bidez. Eskoriatza, Telesko eta GoiTB, biak ikusiko dituzte, gainerrako beste kateekin batera.

Aramaion, azkenik, reemisore bat jarriko du Udalak GoiTBko seinalea Arrasate bertaraino eramanez ahal izateko. Murugainetik bidaliko da. Aramaion orain arte ATB ikusi ez denez, GoiTB ikusteko telebista aparailuetan Goiena Telebista sintonizatu egin behar dute: UHFko 47. kanalean sintonizatu ahal izango dute GoiTB.

Albistegi nagusiko aurpegia



■ MAIDER OSA

22 urte. 1998ko irailtik aurrera du ATBko albistegiak, eta, aurrerantzean ere, bera izango da GoiTBko eguneroko albistegiak aurpegia. Orain dela gutxi arte "Astebete" ere berak aurkeztu du. Euskadi Irratian eta Arrasate Irratian ibilia da. "Bertatik bertara" moduko saio bat egingo luke gustura.



Albistegi bereziak herriz herri

GoitB Leintz adarrean astlehenean sortuko dela eta, albistegi bereziak egingo dira datorren astean. Unitate ibiltaria herriz herri ibiliko da, eta udaletxe aurrealdeetan grabatuko dira (euririk egiten ez badu) arratsalde partean, gero iluntzeko albistegietan, 20:00etan, 20:30ean eta 21:00etan botatzeko. Erreportaje bereziak egingo dira, eta, besteak beste, herrietako alkate eta euskara elkarteetako ordezkariak elkarrizketatuko dituzte.

Martitzenean, 23an
Aramaion

Eguaztenean, 24an
Aretxabletan

Eguenean, 25ean
Eskoriatzan

Egoakoitzean, 26an
Leintz-Gatzagan

UDAZKENERAKO BAILARA OSORA

Bailara osoko telebista izango denaren zati bat bakarrik hasiko da astlehenean. "Erraztasun handiagoak izan ditugu Leintz aldera bakarrik zabaltzeko. Teknikoki samurragoa da, eta inbertsio eta azpiegitura txikiak eskatzen ditu" esan digu Goienako bateragile Mikel Irizarrek. Beste bi adarrak, Bergarako eta

Oñatikoa, abiatzeko inbertsio handiagoak egin beharko dira, eta, horretarako, erakunde publikoekin hitzarmenak lotu beharko dira. "Jaurlaritzarekin eta Diputazioarekin izandako harremanak nahikoa aurreratuta daude, eta dirulaguntzak zehaztu ondoren, udalei proposamen zehatzak egiteko moduan egongo gara" esan digu Irizarrek.

Euskara elkarten iritzia

■ MIKEL URIBETXEBERRIA Loramendi

GoitB proiektu onuragarria izango da Debagoieneko euskara elkarte guztiok elkarlanean arituko garelako. Herri bakoitzak bere telebistari eustea zaila eta konplexua da. Guztiok bat eginik, ostera, emaitza hobek lortuko ditugu, eta kalitate hobeko telebista egingo dugu.

■ ANDONI BENGEOA Axtroki

Herrietako euskara elkarte eta komunikabideek elkarrekin lan egiteko eta garapen hobe izateko aukera ematen digu Goiena egitasmoak. Bestalde, eskualde mailako telebistak herrikoak baino emaitza hobek ekarriko dizkigu, eta euskararen presentzia areagotu egingo da komunikabideetan.

■ PERIKO OROBENGOA

Gatzagako Gurasoen Elkarte

Gaur egun, ATB Gatzagan asko ikusten da, baina GoitB interes handiagoarekin jarraituko dugula uste dut, bailara osoko berriak sakonago jorratuko dituelako, eta, ondorioz, Gatzagako kontuek ere presentzia handiagoa izango dutelako. Gertuko kontuak jakin-min handiagoa sortzen dute.

■ MIKEL ARANTZABAL Txirritola

Goiena eskualde osoko egitasmoa izanik, "Txirritola" bertako partaide izatea garrantzitsua da Aramaiorentzat. Gainera, GoitBn herrian gertatutakoaren berri izango dugu, eta, horretaz gain, Debagoieneko berriak ere ikusiko ditugu. Goiena Telebista bertatik bertarako telebista izango da, eta hori garrantzitsua da guretzat.

Oparia

EROSKETA DOHAINEAN



ARETXABALETA

ARRASATE



Zenb. 00000 Zenbaki honekin parte hartuko duzu Aretxabaletako

Arkauz Altzariaren (Araba Ibilbidea, 20) 2000.eko uztailaren 1ean eta irailaren 30ean, arratsaldeko 20:00etan egingo den zozketan.

Zozketa bakoitzeko saridunak DOHAINEKO EROSKETA izango du opari (500.000 pta.rainoko erosketa).

Erosketaren zenbatekoa boletoan dago zehaztuta.

Erosketaren zenbatekoa: pta